



REPUBLIKA E SHQIPËRISË

KRYEMINISTRIA

MINISTËR SHTETI PËR PUSHTETIN VENDOR
AGJENCIA PËR MBËSHTETJEN E VETËQEVERISJES VENDORE

KËSHILLI KONSULTATIV
QEVERISJE QENDRORE - VETËQEVERISJE VENDORE

Nr. 710 prot

Tiranë, më 24.12 2024

VENDIM

Nr. 9 datë 24.12 2024

PËR

MIRATIMIN E PROJEKTAKTEVE OBJEKT KONSULTIMI NË MBLEDHJEN E
KËSHILLIT KONSULTATIV, QEVERISJE QENDRORE – VETËQEVERISJE
VENDORE TË DATËS 20/12/2024

Këshilli Konsultativ bazuar në Ligjin nr. 139/2015 “Për Vetëqeverisjen Vendore”, si dhe në VKM nr.244, datë 17.4.2024 “Për mënyrën e organizimit e të funksionimit të Këshillit Konsultativ të Qeverisjes Qendrore me Vetëqeverisjen Vendore”, pas shqyrtimit të projektakteve të mëposhtme, të mbledhjes së datës 20.12.2024 vendosi:

1. Për projekturdhërin “**Granti i Përformancës**”, propozuar nga Ministri i Shtetit për Pushtetin Vendor, bashkitë pjesëmarrëse në Këshillin Konsultativ u shprehën parimisht dakord dhe mbështetur në mendimet e tyre, miratuan rekomandimet përkatëse për t’u reflektuar nga institucioni propozues si më poshtë:
 - Për planin e mbarështimit të gjendet një formulë e përshtatshme dhe gjithëpërfshirëse për bashkitë, duke patur parasysh nivelet e sipërfaqes pyjore që kanë disa prej bashkive.
 - Në Komisionet e Vlerësimit të përfshihet edhe Shoqata për Autonominë Vendore pasi ka eksperiencë në këtë drejtim duke qënë pjesë e komisioneve të ndryshme të vlerësimit.

2. Për projektvendimin **“Për pjesëmarrjen e krijimit të personit juridik si subjekt i kompetencave të përbashkëta me vetëqeverisjen vendore për rritjen e kapaciteteve të qeverisjes vendore të Republikës së Shqipërisë”**, propozuar nga Ministri i Shtetit për Pushtetin Vendor, bashkitë pjesëmarrëse në Këshillin Konsultativ, mbështetur në mendimet e tyre shprehën dakordësinë në parim.
3. Për projektvendimin **“Për miratimin në parim të marrëveshjes së huasë nëpërmjet Republikës së Shqipërisë dhe Bankës Ndërkombëtare për Rindërtim dhe Zhvillim për financimin shtesë për digjitalizimin e shërbimeve publike të qeverisjes lokale dhe sistemit të prokurimit digjital të fuqizuar nga inteligjenca artificiale në kuadër të programit ”Përmirësimi i aksesit universal në shërbimet publike të standardit të lartë nëpërmjet teknologjisë (Govtech)”**, propozuar nga Ministri i Shtetit për Pushtetin Vendor, bashkitë pjesëmarrëse në Këshillin Konsultativ u shprehën parimisht dakord dhe mbështetur në mendimet e tyre, miratuan rekomandimet përkatëse për t’u reflektuar nga institucioni propozues si më poshtë:
 - Të mbahet në vëmendje infrastruktura e dobët e bashkive si dhe të asistohen bashkitë për ngritjen e kapaciteteve.
 - Të sigurohet mirëmbajtja e infrastrukturës digjitale.
4. Për projektvendimin **“Për miratimin e zonave kadastrale në të cilat lejohet kultivimi i *cannabis-it* për qëllim industrial”**, propozuar nga Ministria e Bujqësisë dhe Zhvillimit Rural, bashkitë pjesëmarrëse në Këshillin Konsultativ mbështetur në mendimet e tyre shprehën dakordësinë në parim.
5. Për projektvendimin **“Për miratimin e standarteve për zonat dhe parcelat e tokës në të cilat do lehojete kultivimi i bimës së *cannabis-it* për qëllime mjekësore dhe industriale”**, propozuar nga Ministria e Bujqësisë dhe Zhvillimit Rural, bashkitë pjesëmarrëse në Këshillin Konsultativ mbështetur në mendimet e tyre shprehën dakordësinë në parim.
6. Për projektvendimin **“Për përcaktimin e periudhës së shfrytëzimit dhe nivelit minimal të kapacitetit të shfrytëzimit të strukturave akomoduese”**, propozuar nga Ministria e Turizmit dhe Mjedisit, bashkitë pjesëmarrëse në Këshillin Konsultativ u shprehën parimisht dakord dhe mbështetur në mendimet e tyre, miratuan rekomandimet përkatëse për t’u reflektuar nga institucioni propozues si më poshtë:
 - Në periudhën e sezonit të ulët strukturat akomoduese janë të detyruara të paguajnë taksa ndërkohë që për shumë bashki në këtë periudhë, një pjesë e mirë e zonave bregdetare nuk kanë pushues apo turist;
 - Cikli turistik edhe brenda një zone bashkiake është e ndryshme dhe kjo duhet reflektuar në projektvendim me taksimin përkatës;
 - Sezoni i lartë dhe i ulët është i ndryshëm nëpër qytete të ndryshme;
 - Të vendoset një sistem që raporton në çfarëdo orari çdo turist që qëndron në strukturat akomoduese të atij qyteti dhe mbi bazën e këtij sistemi të vendoset edhe taksimi.
7. Për projektligjin **“Për menaxhimin e integruar të mbetjeve”**, propozuar nga Ministria e Turizmit dhe Mjedisit, anëtarët e Këshillit Konsultativ që përfaqësojnë NJVV-të pjesëmarrëse në Këshillin Konsultativ shprehën mosdakordësinë me aktin

dhe kërkuar rishikimin e projektligjit dhe diskutimin e tij në mbledhjen e radhës për pikat si më poshtë:

- Neni 65 Pika 2, planifikimi vendor për pesë rrymat e përcaktuara si letra dhe kartoni, qelqi, metali dhe plastika. Mbetjet bio përbëjnë shqetësim lidhur me ngritjen e sistemit për grumbullimin e diferencuar të tyre;
- Neni 65 Pika 2, Grumbullimi dhe trajtimi sipas pesë rrymave, duhet trajtuar me kujdes mbi mënyrën se si do të zgjidhet ndarja në nivelin e njësive familjare dhe duhet të marrë në konsideratë kohën e nevojshme për ngritjen e sistemit në nivel vendor, të kapaciteteve të kufizuara financiare të NJVV për të ngritur sistemin, dhe të kapaciteteve të kufizuara njerëzore për t'a operuar dhe mirëmbajtur atë.
- Fondi i Ekonomisë së Mbetjeve nuk specifikon në mënyrë të vecantë mbështetjen për NjQV, të shtohet togfjalëshi specifikues "... në mbështetje të NJVV";
- Projektligji duhet të parashikojë hartimin dhe miratimin e standardit minimal të menaxhimit të mbetjeve në nivel e NJVV;
- Të përmbajë parashikimet për detyrimet që lindin për NJVV për menaxhimin e a) mbetje të rrezikshme shtëpiake dhe b) rrymave të tjera të mbetjeve: si mbetjet e rrezikshme, elektronike, makinat në fund të jetës që grumbullohen në territorin e bashkisë dhe duhet saktësuar detyrimi i NJVV lidhur me magazinimin e përkohshëm dhe transferrimin e tyre për trajtim të specializuar si dhe bashkia nuk ka staf teknik të mjaftueshëm dhe të përgatitur për të ngritur dhe menaxhuar një sistem MIM;
- Neni 11, Rikuperimi i mbetjeve nëse ka ndonjë parashikim apo financim në mënyrë që kjo faturë të jetë e përbalueshme nga Qeverisja Vendore;
- Të mbështeten bashkitë me përbalimin e kostove financiare për ngritjen e sistemit për grumbullimin e diferencuar të mbetjeve;
- Neni 27, pika 2, të përcaktohet se si do të bëhet arkëtimi dhe si do t'i faturohet, kosto e shërbimit apo nëpermjet gjobave në rastet kur identifikohet ndotësi;
- Neni 28, Neni 29, Kostot për ngritjen e sistemit të MIM në nivel vendor duhen mbështetur me fonde të veçantë/specifikë prej nivelit qendror;
- Të parashikohet kontributi i nivelit qendror për mbullimin e një pjesë të shpenzimeve për këtë trajtimin fundor me mbulim të kostove të transportit dhe depozitimit;
- Neni 71, të përmbajë edhe detyrimin për raportimin e të dhënave të grumbulluara prej operatorëve të impianteve fundorë tek bashkitë pjesëmarrëse në Zonën e Mbetjeve, sipas rrymave të përcaktuara;
- Të qartësohet në ligj dhe të specifikohet roli i AKEM dhe AKM lidhur me detyrimin e bashkive për raportimin e të dhënave për mbetjet;
- Të parashikohet në ligj vlerësimi i bashkive bazuar në performancë dhe raportimin e të dhënave për treguesit e realizimit të saj;
- Të eliminohen vështirësitë në marrjen e informacioneve për planifikimin dhe menaxhimin në nivel zonal;
- Të qartësohet pronësia mbi impiantet fundorë të trajtimit të mbetjeve, kur ato gjenden në territorin e një bashkie;
- Neni 77 pika 15, rrit masën e sanksionit ndaj Kryetarit për mos zbatim të Nenit 24: në draftin 1 ishte 650 000 – 1 300 000 lekë, ndërsa në draftin 2 bëhet 1 000 000 – 2 000 000 lekë;
- Të vendosen penalitete edhe ndaj operatorëve të impianteve fundorë të trajtimit të mbetjeve, të cilët vonojnë apo nuk japin dhe nuk përmbushin detyrimin për të dhënë informacion tek bashkitë;
- Neni 48, Kostot e trajtimit të mbetjeve bio janë më të larta sesa përfitimi ekonomik

prej shitjes së produktit pas trajtimit të mbetjeve bio si dhe vështirësi në kontrollin e territorit lidhur me depozitim ose hedhjen jo të rregullt/paligjshme të mbetjeve të rrezikshme prej operatorëve të ndryshëm;

- Të specifikohet në mënyrë të veçantë trajtimi i mbetjeve kimike bujqësore, të cilat përzihen me mbetjet bashkiake apo hidhen në territor;
 - Neni 29, pika 2, germa a), duhet qartësuar dhe specifikuar mënyra e mbledhjes së kundravajtjeve administrative, për shkak të mungesës së sistemit, mungesës së identifikimit të ndotësve.
8. Për projektvendimin **“Për miratimin e Strategjisë Kombëtare të Specializimit Inteligent (S3) 2025-2030 dhe Planit të Veprimit për zbatimin e saj”**, propozuar nga Kryeministria bashkitë pjesëmarrëse në Këshillin Konsultativ, mbështetur në mendimet e tyre shprehën dakordësinë në parim.
9. Për projektligjin **“Për disa shtesa dhe një ndryshim në Ligjin nr.75/2019 “Për Rininë”** propozuar nga Kryeministria bashkitë pjesëmarrëse në Këshillin Konsultativ, u shprehën parimisht dakord dhe mbështetur në mendimet e tyre, miratuan rekomandimet përkatëse për t’u reflektuar nga institucioni propozues si më poshtë;
- Pas pikës 2, shtohet pika 2/1 me këtë përmbajtje: “2/1. Veprimtaria e Këshillit Kombëtar të Rinisë, financohet: a) nga bashkia, sipas parashikimeve të legjislacionit në fuqi”. Ky lapsus duhet edituar pasi sipas Ligjit për Vetëqeverisjen Vendore ku bashkitë mbulojnë me kosto vetëm Këshillat Vendor Rinor.
10. Për projektligjin **“Për vullnetarizmin”** propozuar nga Kryeministria bashkitë pjesëmarrëse në Këshillin Konsultativ, u shprehën parimisht dakord dhe mbështetur në mendimet e tyre, miratuan rekomandimet përkatëse për t’u reflektuar nga institucioni propozues si më poshtë;
- Ministria e Financës të kalojë zërin përkatës tek pushteti vendor nëse ky projektligj impakton financat vendore
11. Për projektligjin **“Për performancën energjitike të ndërtesave”**, propozuar nga Ministria e Infrastrukturës dhe Energjisë, bashkitë pjesëmarrëse në Këshillin Konsultativ, mbështetur në mendimet e tyre shprehën dakordësinë në parim.
12. Për projektvendimin **“Për miratimin e strategjisë afatgjatë të rinovimit të stokut të ndërtesave”**, propozuar nga Ministria e Infrastrukturës dhe Energjisë, bashkitë pjesëmarrëse në Këshillin Konsultativ, mbështetur në mendimet e tyre shprehën dakordësinë në parim.
13. Për projektvendimin **“Për miratimin e Programit të Veprimit 3-vjeçar, për vitet 2025-2027, në zbatim të Strategjisë Minerare”**, propozuar nga Ministria e Infrastrukturës dhe Energjisë, bashkitë pjesëmarrëse në Këshillin Konsultativ, mbështetur në mendimet e tyre shprehën dakordësinë në parim.

14. Për projektvendimin “Për përcaktimin e dokumentacionit dhe procedurave për mbledhjen e të dhënave për përkatësinë e personave në një pakicë kombëtare” propozuar nga Ministria e Brendshme, bashkitë pjesëmarrëse në Këshillin Konsultativ, mbështetur në mendimet e tyre shprehën dakordësinë në parim.
15. Për projektvendimin “Për mënyrën e përdorimit të gjuhës së pakicave kombëtare në marrëdhëniet ndërmjet personave që i përkasin pakicave kombëtare dhe organeve të vetëqeverisjes vendore” propozuar nga Ministria e Brendshme, bashkitë pjesëmarrëse në Këshillin Konsultativ, mbështetur në mendimet e tyre shprehën dakordësinë në parim.
16. Për projektvendimin “Për përcaktimin e përbërjes, funksioneve dhe procedurës së komisionit për shqyrtimin e kërkesës për njohjen e një pakice kombëtare”, propozuar nga Ministria e Brendshme, bashkitë pjesëmarrëse në Këshillin Konsultativ, mbështetur në mendimet e tyre shprehën dakordësinë në parim.

Z. Aldrin DALIPI
Kryetar i Shoqatës së Këshillit e Qarqeve të Shqipërisë
Bashkëkryetar

Z. Arbjan Mazniku
Ministër i Shtetit për Pushtetin Vendor
Bashkëkryetar

Me urdhër dhe delegim

Z. Ermal Elezi
Drejtor i Përgjithshëm
Agjencia për Mbështetjen e Vetëqeverisjes Vendore

